



Antzuolako Udala

ANTZUOLAKO UDAL PILOTALEKUAREN ERABILERARI BURUZKO ARAUDIA KIROL JARDUNERAKO KIROL ORDENANTZA

Antzuolako Udal Pilotalekua kirolerako izango da. Udalak horren erabilera arautuko du, ondoren jasotakoari jarraituz:

LEHENENGOA: pilotalekuan lehentasuna emango zaio pilota kirolaren sustapenari, modalitate ezberdinetan. Ezingo da baloicarekin ibili eta baloi kirolak egin.

Zerbaitetarako kantxa barruan tresnak ipintzea beharrezkoa izanez gero, horiek kontuz garraiatu beharko dira, arrastaka eramateke. Aipatutako tresnak kantxaren zorua hondatuko ez duen euskarri baten gainean egon beharko dute.

BIGARRENA: pilotalekuan oinetako egokiak erabili beharko dira, gomazko zola duten zapatilak.

Ondorioz, ezingo da erabili patinik, ezta baloirik ere (baimendutako partidu edo entrenamenduetan izan ezik) edota pilotalekuan kalteak eragin ditzakeen tresnarik.

Horrez gain, kantxan zikinduko duen ezer ez da jango (pipak, fruitu lehorrak, gozokiak, e.a.), ezta edango ere (latak, botilak), udalak baimendutako ekitaldietan, izan ezik.

Kantxatik kanpo zerbait janez edo edanez gero, jasotzeaz edo garbi lagatzeaz kontsumitzailea arduratuko da.

HIRUGARRENA: antzuolarrek izango dute frontoia erabiltzeko lehentasuna, hurrenez hurren:

1. Udalak
2. Ikastetxeak.
3. Olalde Pilota Elkarteak (pilota eskola).
4. Herriko erakundeek.
5. Herritarrek. Kanpotarren aurrean lehentasuna beti antzuolarrek izango dute.

Erabilera libreko orduetan Antzuolako haurrek eta 18 urtetik beherako gazteek izango dute lehentasuna, udalak edo erakunderen batek orduak hartuta dauzkanean izan ezik.

Frontoian gehienez ordubetez jokatu ahal izango da.

Frontoian antzuolarrek ez direnak jokatzen ari badira, eta herritarrek azaltzen badira jokatzerara, herritarrek dutenez jokatzeke lehentasuna, kanpotarrek jokatzeari utzi egin beharko diote.

LAUGARRENA:

Pilotalekua zabalik egongo da ordutegi honetan:



Antzuolako Udala

3.1. Astelehenetik ostiralera:

ESKOLA GARAIAN, IKASTURTEAN ZEHAR:

09:00etatik 12:30era Herri Ikastetxea.
12:30etik 18:00etara Erabilera librea, baina 18 urtetik beherako antzuolarrek lehentasuna izango dute.

Denbora horretan frontoiko kantzaren eremua partekatu egingo da. Bertan bi gune bereiztuko dira, frontisaren gunea eta reboteko frontoitxoak. Beraz, ezingo da kantxa osoa kirol edo jarduera bakarrik egiteko erabili.

18:00etatik 22:00etara Kantxa erreserbatzeko aukera.
Adostutako egunetan Olalde pilota elkartearen erabilerarako erreserbatuko da kantxa.

ASTE SANTUAN, GABONETAN ETA UDAKO OPORRETAN lehentasuna hauexek izango dute:

09:00etatik 18:00etara
18 urtetik beherakoek, udalak edo erakunderen batek orduak hartuta dauzkanean izan ezik.

18:00etatik 22:00etara
Erreserbadunek eta Olalde, adostutako egunetan.
Erreserbarik ez dagoenean 18 urtetik gorakoek.

3.2. Zapatu, domeka eta jaiegunetako ordutegia: 09:00etatik 21:00etara.

09:00etatik 11:00etara: kantxa alokatzeko aukera izango da

Osterantzeko orduak libre egongo dira.

Frontoian gehienez ordubetez jokatu ahal izango da.

Frontoian antzuolarrak ez direnak jokatzeko ahal izango dira, eta herritarrek azaltzen badira jokatzera, herritarrek dutenez jokatzeko lehentasuna, kanpotarrek jokatzeari utzi egin beharko diote.

BOSGARRENA: Pilotalekua libre baldin badago, txanda eskatu beharrik ez da izango, eta ez da ezer ordaindu beharko.

Jai egunetan eta abuztuan ez da erreserba eta ordu-eskaera txandarik izango. Beraz, kantxa ez zaie erreserbatuko erabiltzaileei pilotan jokatzeko.



Antzuolako Udala

SEIGARRENA: ikasturtero, uztaileko lehen astean, ordu-eskaera txanda bat irekiko da, jendeak izena eman dezan, pilotalekua erreserbatzeko eskubidearekin. Horretarako aukera dagoela udal baliabideen bidez jakinaraziko da.

Eskatzaile bakoitzak bere taldea osatzen dutenen izenak eman beharko ditu udaletxean, zozketa egin baino bost egun lehenago.

ZAZPIGARRENA: erreserba egiten denean ordu bererako talde batek baino gehiagok izena emanaz gero, talde horien artean zozketa egingo da. Nolanahi ere, Antzuolako bizilagunek lehentasuna izango dute, eta horrelakotzat hartzen dira gutxienez taldeko erdiak Antzuolako bizilagunak edo bertan jaiok direnean. Libre geratzen diren orduak beste udalerrietakoen artean banatuko edo zozketatuko dira.

Zozketaren prozedura:

Lehenengoaren edo titularraren izena bakarrik sartuko da zozketan.

Eskatzaile edo talde-titularren izen guztiak lehenengo zozketan sartuko dira. Izenak agertzen diren neurrian, hauek asteko taulatik ordu bakar bat aukeratu ahal izango dute.

Ordu libreak herritik kanpoko eskatzaileen artean zozketatuko dira, eta prozedura berdina jarraituko da.

Zozketa jendaurrean egingo da, Pilotalekuan bertan. Horretaz arduratuko dena kirol zinegotzia eta teknikaria izango dira. Kirol zinegotziak behar dituen ahalmenak izango ditu zozketa egiterakoan sortzen den edozein arazo konpontzeko.

ZORTZIGARRENA:

Izena emandakoei txandaren emaitzen berri Antzuolako jaien ondorengo astean emango zaie.

Hartara, erreserbadunek irail hasieratik egutegi berriaren arabera jokatzeko aukera izango dute.

BEDERATZIGARRENA:

Udal Pilotalekua erabiltzeko tarifak ordenantza fiskalen bidez ezarriko dira.

Tarifan kantzaren erreserba dago aurreikusita.

Erreserbak ordubete hartzen du, ez gehiago. Beroketa egiteko helburuz, kantzaxan dabilen jendearen jarduna ezingo da oztopatu, are gutxiago jendea handik bidali.

HAMARGARRENA: tarifak ordaintzea

Tarifen ordaintetak hilero egingo dira transferentzia bidez.



Antzuolako Udala

Tarifa ordaintzen ez duten eskatzaileek ordu-erreserba galduko dute, beraz, ordu horiek hutsik geratuko dira beste jokalarientzat.

Tarifa kobratu eta gero ez da onartuko erreserbak baliogabetzea.

HAMAIKAGARRENA: entitate edo elkarteetako ikasle edo pilotariak, kirolean dihardutenean, joko-arduradunaren, irakaslearen, begiralearen etabarren zuzendaritzapean egondo dira, eta azken hauek izango dira beti taldearen erantzule. Osterantzeko txandetan, erabiltzaileena izango da ardura hori.

Pilotalekuaren erabilera desegokia egiten bada, Udalak erabilera baimena bertan behera lagatzeko eskubidea izango du. Eta hala badagokio, zehapen bidea ireki dezake.

HAMABIGARRENA: Udalak pilotalekua erabiltzeko eskubidea du komenigarritzat jotzen dituen ekintzetarako eta aginduz edo enkarguz antola daitezkeenetarako.

HAMAHIRUGARRENA: pilotalekuko aldagelak edozein pertsona edo taldek erabili ahal izango ditu, erabilera horren premia ikusten denean, Udalari aurrez eskatu eta horretarako baimena ematen bada.

HAMALAU GARRENA: harmaila mugikorrek erabiltzea debekatua dago, Udalaren baimenik gabe.

Talderen edo pertsonaren batek gradak erabiltzeko edo mugitzeko baimena izanez gero, erabili ondoren, lehen bezala laga beharko ditu.

HAMABOSGARRENA: pilotalekuan ezohiko kirol edo ekitaldiren bat antolatzen bada, antolatzaileak arduratu beharko dira lehen zegoen moduan lagatzeaz, hau da, garbi, txukun eta tresna barik.

HAMASEIGARRENA: Udalak ez du bere gain hartuko pilotalekuan gerta daitekeenaren erantzukizunik; erantzukizuna edozein motatakoa dela ere: zibila, penala, edo administratiboa.

HAMAZAZPIGARRENA: Udalak ez du izango kirolean gertatutako istripuen erantzukizunik.

HEMEZORTZIGARRENA: Udalaren eskumenekoa izango da araudi honen aplikazioan sortutako zalantzen gaineko erabakiak hartzea eta aipatutako araudian aldaketak egitea, instalazioen erabilera hobetzeko helburuarekin. Indarrean dagoen araudia, tarifak eta orduen taula pilotalekuko oholean egongo dira.

HEMERETZIGARRENA: araudi honetan ezarri ez denerako honen xedarekin zerikusia duen beste edozein legezko edo erregelamenduzko xedapenek diotena hartuko da kontuan.

XEDAPEN INDARGABETZAILEA



Antzuolako Udala

Indargabetuta geratuko da pilotalekuaren erabilerari buruzko beste edozein araudi.

AZKEN XEDAPENA

Gipuzkoako Aldizkari Ofizialean osorik argitaratu eta handik 15 egun baliodunera jarriko da indarrean ordenantza hau.